



## Aningaasanut Naalakkersuisoq

### Aningaasaqarnermut Ataatsimiititaliap suliaq nr. 01.31.06/09-00415 pillugu tallimangornermi ulloq 19. juni 2009-mi aalajangiineranik Naalakkersuisunut ilisimatitsineq.

#### **Great Greenland A/S-ip aningaasaqarnikkut inissisimamera pillugu aalajangernissamut tunngavissiaq**

Naalakkersuisut inassutigaa,

- Great Greenland A/S 8 mio. kr.-inik aningaasaliiffigineqassasoq,
- Kontomi pingaarnermi 10.13.11-imi, Aktianik piginneqatigiiffinnut aningaasatigut aningaasartuutitut tunngasumi, aningaasaliissutit 8 mio. kr.-inik amerlineqassasut,
- IST-p inernerisassaatus missingersuutigineqartut 2009-mi 8 mio. kr.-inik **appartinneqassasut.**

#### **Aningaasaqarnermut Ataatsimiititaliap oqaaseqaatai**

Great Greenlandimut 8 mio. kr.-inik aningaasaliissuteqarnissaq Aningaasaqarnermut Ataatsimiititaliaasimasup ulloq 25. oktober 2008-mi akuersissutigaa.

IMA/21-mik Inatsisartut ulloq 16. juni 2009 akuersissutiginninnerat tunngavigalugu Great Greenlandimut aningaasaliissuteqaqqinnissaq siunertaralugu 8 mio. kr.-inik ilassutitut aningaasaliissuteqarnissaq Naalakkersuisut suliama matumani qinnutigaat. Taamaaliornikkut ingerlatat allangortinnagit Great Greenland ukiumi ataatsimi ingerlatsisinnaassasoq qinnuteqaammi allassimavoq.

Illassutitut aningaasaliissutit matumani pineqartut ajoraluartumik allatut ajornartumik akuerineqartariaqartut Aningaasaqarnermut Ataatsimiititaliamit isigineqarput.

Great Greenlandilli puisillu amiinik pisiortornerup siunissaat eqqarsaatigalugu ataatsimut periusissiornissamut Great Greenland Naalakkersuisullu anersaartorfissinneqarnissaat pisariaqartoq ataatsimiititaliaq isumaqarpoq. Piniarnermik inuussutissarsiteqartut isorliunerusuniittullu puisit amiinik tunisisarnermik pinngitsuuisinnaannginnerat annikillisinnaarlugu periusissiassakkut tassuuna piginnaanngorsaaqqinneq ilinniartitaanikkullu iliuuseqarnissaq sapinngisamik siuarsaavigineqartariaqarput.

#### **Aningaasaqarnermut Ataatsimiititaliap aalajangiinera**

Siuliani allassimasutut paasinnilluni Naalakkersuisut inassuteqaataat Aningaasaqarnermut Ataatsimiititaliamit **akuersissutigineqarput.**

Inussiarnersumik inuulluaqqusillunga

Akitsinnguaq Olsen

Aningaasaqarnermut Ataatsimiititaliap siulittaasua